

3 септэбрэ  
1940 арэ  
№ 70 (116)

Номерлэн дуныз 5 коп.

# ВЫЛЬ УЛОН

2-ти АРЗЭ ПОТЭ

ВКП(б)-лэн УАССР-ыс  
Понино Райкомезлэн  
но Райсоветлэн  
• газетсы.

## Культо люканэн но кутсаськонэн бере кыленээ быдтоно

Ю октон-калтонлэн йылпум'ясыконээ араса быдтонэн гинэ уг лыд'асыкы, а сое араса, люкаса но кутсаса быдэстоно. Соку гинэ ю октон-калтон йылпум'ясыкемен лыд'ясыке.

Районыстымы тросээ азь-вылскысь колхоз'ёс аранээс быдэстыса ик культозэс люкало но кутсасько. Озы Сима-шур но Михайловка колхоз'ёс аранээс быдэстыса ик культо пыртон борды кутскизы но туж кёсын люкаса быдэстызы. Озы ик Усть-Пышкец но Печешур колхоз'ёс йылпум'яло ни культо пыртонзэс. Та колхоз'ёсын али уж кылиз на кулээз'я кутсаськонээ органи-зовать карыны.

Однако сыче азинскон'ёс туж ичяз на колхоз'ёсын. Тросээ колхоз'ёс кызыке аранэн, озы ик культо пыртонэн чиданы луонтэм гызмыльто. Бадзымшур колхоз 30 августозь одйг кабан но өз люка. Зянакшур колхоз культозэ уг пырты, мае ке витыса улэ. Озы ик Адам колхоз культо люканэн гызмыльтэ. Куд-ог колхоз'ёсысь кивалт'ясыс кулэтэм, вредной вераськон'ёс нуо, — „малы пе али культо-пыртон ужен жегатскод, аранээ быдэстытэк“. Сыче кулэтэм (вераськон'ёсты йыре ик басытоно өвёл, а пуктоно ужен озь, чтобы аран но мед мыноз, төламез'я культо но мед люкасыкоз.

Солэсь но вредной уж луэ со, что куд-ог колхоз'ёс юзэ

арало но кык-куинь арня кертылытэк возё. Озы Изо-шур но Донда колхоз'ёсын арам культоос му вылаз кер-тылытэк кыллэ ни кык арня-лэсь но кема. Сыче факт'ёс-ты можно вераны мукет колхоз'ёсысь но.

Али вуэмын дыр кутсаськон ужен но организовать карыны, но асьме районин со уж сярэсь малпаськон гинэ мынэ ни, а уж вылын одйг колхозын но организовать карымтэ на.

Тросээ колхоз кивалт'ясыс дышешын ю сктон-калтонээ быдэсто но, со вылын демонстрировать каро, нош кутсаськонээ толшорозь но куд-дыр'я тулысысь возё. Дыр ни куштыны сыче практикаез. Сельскохозяйственной арлэн быдэсменез лыд'ясыке кутсаськонээ быдэстэм бере но урожаез люкылэм бере.

Районысь земельной органи-зации ужас'ёс азын, колхоз кивалт'ясыс азын сылэ зада-ча юсты аранэн чёш ик культо люканээ нуоно. Органи-зовать кароно кажной колхозын кутсаськонээ. Соку гинэ выль удалтэм урожаез бы-гатомы кие басытыны.

Вань уж со бордын, марке колхоз сельскохозяйственной ужээ азинлыко по-большеви-стски йылпум'яз, со колхозын полновестной трудодень лыд'ясыкоз. Котькуд колхозысь кивалт'ясыс со понна нюр'ясыконо луо.

## Бригадаеныз умой кивалтэ

Солдырь колхозысь 3-тй бригадалэн бригадирез—Е. П. Будин бригадаеныз умой кивалтэ. Талэн бригадаез котькыче уж'ёсын азымынсен лыд'ясыке. Ю октон-калтонээ но 27 августозь быдэстыз. Гужем уж'ёс вакытын колхоз-ник'ёс одйг-огенызы чёшат-скыса ужазы, тросээ норма-оссэс мултэсэн тырмыт'яллызы. Озы М. А. Максимова 500 культо норма интые, 700

культо кертылыз, машинаен арась—М. С. Максимов, ко-силкаен 2,5 га норма интые, 3,5 га аралляз.

Бере кылыса мынйз ю октон-калтон ужен 6 тй бригада, бригадирез—И. А. Максимов. Аранээ 31 августэ гинэ быдэ-стыз, соин быдэс колхозээ аранэн бере кельтйз, 27 августэ быдтон интые, колхоз аранээ быдэсты 31 августэ.

А. Третьяков.

## Уж—кутсаськон вылэ кылиз

Богатырской сельсовет азьвылсконээ кияз возе. Та сельсоветысь ваньмыз колхоз'ёс араса быдэстызы, госу-дарстволы—ю тысь сдать каронээ 100 процентлы тыр-мытйзы. Етйн тычкаса но вёл-дыса быдэстэмын. Колхоз'ёс-лэн азьвылскемзы луэ со бор-дысен, что соос одйг огылы социалистической помощь сё-

то. Озы Симашур колхоз машинаосын но ужась кужы-мен В. Богатырка колхозлы юрттйз.

Колхоз'ёсын, али вань вни-мание вис'ямын ни солы, что-бы умой но шулдыр нунал'ёсы кутсаськонээ органи-зовать карыны но урожаез кенос'ёсы кысыканы.

Третьяков.

## Бусыосысь ивор'ёс Валэс юсты скирдовать карыса быдтизы

Богатырской сельсоветысь Симашур но Михайловка колхоз'ёс вань аранээ, госу-дарстволы ю нянь пуктонээ но мукет уж'ёсты азинлыко бы-дэстэмен чёш ик, валэс юсты скирдовать каронээс но умой качественно но вакчи дырын быдэстызы.

Богданов.

Дондыкарской сельсоветысь, Седпи колхозын (председате-лез Абдулов эш) етйн вёл-донээ 11 гектарысь тырмыт быдэстыз. Годольпи колхоз (председа елез—Резенов) озы ик етйн вёлдонээ 11 гектар вылысь тырмыт быдэстыз. Ягул колхозын (председателез Дмитриев эш) 39 га вылысь етйн вёлдонээ быдэстыз.

Выль гожтэм колхоз'ёсын, етйн вёлдоннын колхозничаос нормаоссэс мултэсэн быдэ-яса ужазы.

Муханов.

Сороково колхозысь аран машинаен арась Семен Семен-ович Максимов эш араннын тупатэм нормазэ нунал ы бы-дэ 170-180 процентлы быдэс'я. Али валэс юзэ ираннын 4,5 гектар интые 7-8 гектар лэс-тылэ. Максимов эш котькыче ужын умой ужа, тужгес ик машинаос бордын Со маши-назэ туж умой эскерылэ.

Максимова

Бадзымшурской сельсовете-тысь Полгорное колхоз 30 августозь одйг культо но етйн өз на вёлды. Озы ик Мала-хи колхоз етйн вёлдонэн туж гызмыльтэ, 30 август азелы ожыт гинэ вёлдэмын ни вал.

Артёмьев

Кельдыково ко хоз аранээ быдэстыз, 50 процентлы валэс юос кабан'ёсы люкамын ни.

Озы ик 28 август азелы госу-дарстволы ю тысь сдать каронээ тырмытйз но 5 вал Адам колхозэ келяз юрттыны, заготовказэс ворттыны.

А. Т.

Почаш сельсоветысь колхоз'ёс ваньзэ валэс ю аранээс быдэстызы, колхоз'ёс одйг-огзылы социалистической юрт-тон организовать карызы. Кылсырысь, Ягошур колхозлы юрттйз В. Андреевка, Бозино колхозлы Золотари но Зуир, Паслоково колхозлы Кырлуд, Поч. Кляпово колхозлы Почаш колхоз.

Трефилов.

Понино сельсоветысь Ески-но, Митино, Понино колхоз'ёс 28 августэ быдэстызы валэс ю октон-калтонээс. Туж бере кылыса ужало Ляпино колхоз, председателез Чупин эш, Коршуново колхоз, председа-телез Люкин эш. Тэос асьсэ-ос но уг тодо ку быдэстозы валэс ю аранээс. Сельсовете-тысь передовой колхоз'ёс быдэсто ни госу-дарстволы ю тысь сётонээс но. Баженов.

## Ю тысез кутсанлэн но клеверез вуштонлэн мынэмез сярэсь

Райсоветлэн исполкомезлэн но ВКП(б) райкомлэн 30 августэ 1940 арын постановленизы

Райсоветлэн исполкомез но ВКП(б) лэн райкомез отме-чать каро, что ю тысь кутсан-лэн мынэмез районин совер-шенно неудовлетворительно, райзолэн заведующеез—Че-твериков эш но МТС-лэн ди-ректорез—Чувашов эш дугды-лытэк но круглосуточно кут-саськон машинаосты уже ку-тон сярэсь кулэ мераос өз кутэлэ. Данак пол предупред-ить карем'я но тросаз колхоз'ёсын (Коршевикино, Ча-ново, Портяно) кутсаськон организовать карымтэ, МТС-лэн, колхоз'ёслэн кутсаськон машинаоссы ужатэк сылыло, кудйз лыд'ясыке ВКП(б) лэн ЦК езлэсь но СССР-лэн СНК ез-лэсь урожаез октон-калтон сярэсь постановленизэс тйямен.

Сельисполком'ёслэн председа-тельёсы Понинской—Баженов, Адамской—Максимов кутсаськон ужен ляб кивалт'я-зы, недисциплинированность-сэс возматйзы правительст-венной постановлениез бы-дэстон сярэсь.

Райсоветлэн исполкомез но ВКП(б)-лэн райкомез поста-новить каро.

1. Указать кароно сельис-полком'ёслэн председателёс-сылы—Понинской—Баженов-лы но Адамской—Максимов-лы, что соос ВКП(б)-лэн ЦК-езлэсь но СССР лэн СНК-ез-лэсь ю октон-калтон но сельхозпродуктаосты дасян сярэсь постановленизэс өз выпол-нить каре. Дырыз дыр'я вань кутсан машинаосты уже ку-тонээ организовать өз каре, соин тросаз колхоз'ёсын бад-зымесь ыштон'ёс луизы. Рай-советлэн исполкомез но ВКП(б) лэн райкомез соослэсь требовать каро чик моготэк сыче положениез тупатыны и если кулэ луись ужрад ке кутсаськонээ организовать каро-нын өз кутэ, соослы чурит взыскание кутэмын луоз.

2. Сельсовет'ёс'я нуналлы быдэ гектар вылысь кутсаны

таче график тупатонэ: Адам-ской—65 га, Коршевикин-ской—80 га, Почашевской—90 га, Слудской—65 га, Бога-тырской—50 га, Бадзымшур-ской—60 га, Понинской—80 га, Дондыкарской—90 га. Ваньзэ район'я нуналлы быдэ кутса-но 580 га.

3. Райзолэсь заведующей-зэ—Четвериковез, МТС лэсь директорзэ—Чувашовез косо-но суткаскын довести карыны кутсаськонлы график кажной колхозлы но тракторной бри-тадалы.

4. Райзолэсь заведующей-зэ—Четвериковез, МТС-лэсь директорзэ—Чувашовез, сель-исполком'ёслэсь но колхоз'ёс-лэсь председателёссэс косо-но ю тысь но клевер кутса-нын быдэсак уже кутыны: 15 сложной молотилкаосты, 13 комбайн'ёсты но колхоз'ёсысь вань кутсан машинаос-ты.

5. Колхоз'ёслэсь председа-тельёссэс косоно суткаяз 20 час кутсаськонээ обеспечить карыны вылысь вис'яны ка-лык, вал, организовать кары-ны озы, чтобы вань кутсась-конээ 25 сентябрэсь быдэсты-ны. Колхоз'ёслэн председа-тельёссылы запретить кароно кутсаськонысь калыкез мукет уж'ёсы использовать карыны, кутсаськонээ быдэсты-тэк.

6. Райзоез, МТС-эз, сельис-полком'ёсты но колхоз'ёслэсь правлениоссэс косоно тырмыт кысытыны семенной, сраховой фуражной фонд'ёсты 25 сен-тябрэсь.

7. Райзоез, МТС-эз, сельис-полком'ёсты колхоз'ёслэсь правлениоссэс косоно чик мо-гатэк организовать карыны клевер кутсанээ но вуштонээ, солы понна уже кутыны вань клеверотеркаосты МТС-лэсь но колхоз'ёслэсь.

Райсоветлэн исполкомезлэн председателез Алексеев.

ВКП(б) райкомлэн секретарез Черезов.



„Червоная Горка“ колхозын жег кутсало (БССР-ысь, Дзержинской район).

ТАСС-лэн Фото-клишеез.

## Прогульщик'ёслы комсомолын инты өвөл

Изошурской тракторной бригадысь комбайнерка Будина Елизавета—комсомолка, прогул лэсьтэмез понна народной судэн, ас ужан интыяз ик 5 толэзь чоже 20 процент ужам дунзэ кельтыны приговорить каремын ни. Но однако комсомольской организация Будинаез али но обсуждать өз на кары. Будинаез собрание отылызы ни, но, со виноватс шодыса өз явыськы, а комсомольской организациялэн секретарез—Удегова эш, лыктымтэз понна, но кычэ ужрад уг куты.

Прогульщик'ёслы но дезорганизатор'ёслы комсомолын инты өвөл. Чик могатэк Будинаез комсомольской собраниян обсудить карыса, комсомолысь кушто но.

Таин чош верано луэ сое, что первичной комсомольской организациялэн секретарез—Удегова комсомолец'ёсыз пöлын воспитательной ужез уг нуы. Собрание но туж шер

ортчыло. Куд-ог бригадасы, комсомолец'ёслэн ужанызы гужем чоже өз на вуылы, (Изошурское). Удегова уг тоды, кычэ бригадын, кудыз комсомолец умой ужа. Одыг комсомольской собраниян комсомолец'ёс ас вылазы об'язательство басыт'ызы, производстволэсь палэнскытэк ныл'ёсты трактористэ дышетыны, нош Удегова та ужез интересоваться но уг карыськы.

Татысен, комсомолец'ёс пöлын дисциплина ляб пунктэмын, тросэз комсомолец'ёс правительстволэсь закон'ёссэ но тйяны шедыло.

Вылй гожтэм факт'ёсты, Удегова эшлы лыдэ бастыно но комсомольской ужез кулэез'я пунктэно. Комсомолец'ёс пöлын воспитательной ужез пунктэно озы, чтобы одыг случай но прогул'ёс медалуэ, котькуд комсомолец, котькычэ производствон примерноен мед луоз.

Куртеева.

## Недоброкачественной ужам— вредительстволы пыре

Котькычэ уж'ёс азинлыко но зечлыко быдэсьяско соку, кукке со уж'ёсы дырыз дыр'я но зечлыко дасясконэз обеспечить карыскод. Нош умой дасясконэз обеспечить карон луэ—соин кивалтэм бордысен. Кытын ке пунктэмын кивалтон умой, отын котькычэ уж'ёс но азинлыко мыно. Однако кивалтон уж кулэез'я пунктэмын, тросэз уж'ёс—туж ляб мыно.

Тани вералом кöньяке гинэ та сярись факт'ёсты. Нырысь ик верано луэ Понинской МТС-эз, кудыз арлы быдэ ремонтной сезонын трактор'ёссэ комбайн'ёссэ но мукет машинаоссэ ремонтировать каре. Со ремонт дыр'я туж трос государственной средствоос быро, ужась кужым использоваться карыське. Но, ремонтировать каремлэн качествоез, арысь-аре улий луэ, и соин сэрэн МТС арысь-аре ужан планэз уг тырмыт'я. Тросэз трактор'ёс, комбайн'ёс кутсаськон но мукет машинаос сямыз понна гинэ ремонтировать каремын луо но солэсь качествоз эскерытэк колхоз'ёсы ужаны келясько. Озы со машинаос интыяз гинэ вуо но ёзкады ужатэк гужембыт сылыса уло. Машинаос сылэм понна МТС-лэн дирекциез но механик'ёс но отвечать уг каро.

Дыр ни сычэ важной уж борды формально учкыны. Азпалзэ сычэ недопустимой

факт'ёсты лэзыны уг луы. Ремонтэз недоброкачественно ортчытэм понна, лыд'яно вредительство сямён. И нырысь ик со понна ответственность улэ кысконо МТС-лэсь дирекциез.

Сычэ ик уж куд-ог колхоз'ёсын но. Колхозын ужаны кулэ луысь тйрлык'ёс дыраз но кулэез'я уг тупат'ясько, соин сэрэн колхоз уж'ёсыныз но бере кыле, из'яне но шеде. Тужгес но со ыштон'ёс трос луо ю октон-калтон уж'ёс вагытын. Машинаос но мукет тйрлык'ёс тйяськемен колхоз'ёсын арлы быдэ трос центнер ю тысь му вылаз кичкыса, калтытэк кыле. Тросэз колхоз кивалт'яськы ю нянез качественно октон-калтон понна уг нюр'ясько. Туэ но сычэ факт'ёсты адзыны луэ—Кырлуд, Донда, Адам, Папогово но мукет'ёс колхоз'ёсын.

Безответственной отношенилы но расхлябанностьлы пум пононо. Тодыны кулэ котькуд кивалт'ясьлы, что недоброкачественной ужам вредительство сямён ик лыд'яське и нырысь ик со понна отвечать каре кивалт'ясь.

СССР-лэн Верховной Советлэн Президиумезлэн 10-ти июле поттэм указэз сельской хозяйстволэсь кивалт'яськы но валамон луыны кулэ. Со законэз тйяськы ответственнось улэ кыскемын луыны кулэ.

Вахрушев.

## Сюлмаськысьтэм кивалтись

Коршевихинской сельсоветысь Чульчепи колхозын (председателез Боталов) ю октон-калтон соотвествующий кивалтон уг нуы. Кылсярысь, таослэн вань кык аран машиназы, нош арало одыгеныз гинэ. Секыт шуыса одыгэз машиназэс уже уг куты. 27 август азелы 60 гектар аранзы вал на. Конной мадеш озы ик уже өвөл кутэмын. Колхозник'ёслэн трудоденьёссы книжкаос вылэ тур-

нан дырысен гож'ямтэ, колхозник'ёс ужам дунзэс уг тодо. Колхозлэн председателез Боталов, ю октон-калтонэз жегатыз ке председателысь поттозы шуыса малпа.

Боталовлы озы сюлмаськытэк кивалтыны уг яра, уборкаен умой умой кивалтоно, озы ик вань гужем сельскохозяйственной уж'ёсты дыраз но качественно ортчытоно.

Е. Калинина.

## Дезорганизатор'ёсын, лодыр'ёсын чурит нюр'яськоно

Ужлэсь производительносьсэ жутон-луэ самой главноен но самой важноен безклассовой социалистической обществоз лэсьтонын.

Унесз колхозник'ёс ужало честно но добросовестно, тырмыт'яло но перевыполнять каро ас ужан нормаоссэ. Кылсярысь, Подарай колхозын 55 арес'ем колхозница Анна Сергеевна Зайцева 5 толэзь куспын 200 трудодень ужаз ни. Зайцева эш культу кертлоннын куд-ог егит калыкез но кельтыса ужаллаз, та ужын норма 400 культу ке кертлоно, Зайцева 800 культу керттылыз. Митино колхозын Иван Гаврилович Присмотрев, 1940 арын 324 трудодень ужаз ни, Александра Тимофеевна Кунаева 234 трудодень ужаз.

Нош вань на сычэ колхозник'ёс, куд'ёсыз колхоз ужез туртско кызы ке но бере кельтыны, ужаны колхозэ уг потало. Тани, Агафонова Парасковья Константиновна, егит энергичной нылкышно мурт, туэ арлы 53 трудодень гинэ ужаз ни. Озы ик Коршевихино колхозын 38 арес'

ем колхозница Блинова Клавдия Алексеевна туэ арлы одыг трудоденез но өзөл на. Коршевихино колхозэ лыктыса — „Вань-а нырысетиде август азелы 50 трудоденьлэсь ичи ужам колхозник'ёсты“? — шу-са юамлы, колхоз правлениян член'ёсыз өзөл шуса ве-разы. Тйяны кызы куд-ог колхоз кивалт'яськы, лжеколхозник'ёсын, дезорганизатор'ёсын чурит нюр'яськон интые прогульщик'ёсты, лодыр'ёсты ватыны туртско.

Коршевихино колхозлэн кивалт'яськы тазы пöялласькыса, лодыр'ёсты ватыса воземен номыре но умойэз уз бастэлэ, умой лэсьтон интые, таос трудовой дисциплинаез гинэ ачизэс тйяны юртто.

Та колхозлэн кивалт'яськызы колхозник'ёслы умой-умой валэктоно СССР-лэн СНК-езлэсь но ВКП(б)-лэн ЦК-езлэсь постановленизэс. Лодыр'ёсты, дезорганизатор'ёсты ватыса возыны уг яра, соосын зол нюр'яськон нуоно, соку гинэ асьмеэс трудовой дисциплинаез колхозын юнматомы.

Калинина.

## Нюлэс дасян ужез умоятно

Кемалась ик өз ортчы, Райссветлэн исполкомезлэн заседаниез, кытын нюлэс дасянлэн мынэмез сярись сельисполком'ёслэн председателысьлэсь, колхоз председателысьлэсь но лесопунктлэн заведующиезлэсь Кураев эшлэсь отчет'ёссэс кылскиз. Отчет'ёсы валаны луиз, что асьме районысь колхоз'ёс II, III кварталлы тупатэм нюлэс дасян планэз өз быдэстэ. Нош куд-ог колхоз'ёс нюлэскы пытизэс но өз на лэгалэ. Нырысь ик нюлэс дасян планэз быдэстыны колхоз председателысь жегато.


Бадзымшурской сельсоветысь Морозы колхоз, председателез Порошин эш, Чоколи колхоз, председателез Кунаев эш, „аль вуом—нюлэс дасян нокутчы но уз пегзы, вуиз ке

дырыз — ачиз кораськоз“ шуо но ужез быре.

Колхоз председателысьлы одно ик валаны кулэ, что нюлэс дасян—бадзым государственной уж луэ. Асьме странаямы лэсьт'ясько вылэсь завод'ёс, фабрикаос, шахтаос, школаос, больницаос, отчы кулэ кор, котькычэ подделкаос. Соин ик нюлэс дасянэз бере кельтыны нокузыны но уг луы, сое дыраз тырмыт дасяно. Со сянэ ужась кужым кулэ толшор азе йö сюрес лэсьтон котыре но гид-куа лэсьтон уже.

Райпланэн кажной колхозлы нюлэс—дасяны план сётэмын, ужась кужым но вал вис'яны. Та план'я колхоз'ёс тырмыт вис'яно луо ужась кужым, вал. Озы нюлэс дасянэз могатэк быдэстоно.

Куд-ог кивалт'яськыс нюлэс дасян сярись бжыт но уг сюлмасько, малпало, что кин ке соослэсь нюлэс дасян планэзэс тырмытоз.



Морозы колхозлэн председателез Порошин „По шучьему велению“! тйяны учке—... а монэ уд ужаськы шуо.

## Газета—со умой дышетись

Асьмеос тодыськомы, что агитация со котькычэ ужын бадзым юрттэт сётэ, а газета со луэ агитатор.

Газет'ёсысь асьмеос тодыськомы внешней но внутренней положенияз ивор'ёсты, отысь тодыськомы кытын кычэ ужмынэ. Тйяны тае валаса Адамской сельсоветысь куд-ог колхоз'ёс но колхозник'ёс тырмыт регулярно выписывать карыло газет'ёсты. Кылсярысь, Адам, Заболотно, Кельдыково, Полом колхоз'ёсын колхозник'ёс коркалы быдэ одыг но кык экземпляр газет басыто.

Озы ик Бадзымшурской сельсоветысь, Бадзымшур, Чаново, Филаты, Подгорное колхоз'ёс котькуд коркалы быдэн газет басыто.

Нош таин чош ик ваньна сычэ колхоз кивалт'яськы но колхозник'ёс, куд'ёсыз улонлэсь палэнэ кылэ: одыг экземпляр но газет уг басыто. Кылсярысь, Коршевихинской сельсоветысь Чульчопи колхозын колхоз правление гинэ кык экземпляр газет басытэ, нош колхозник'ёс одыг экземпляр но газет уг басыто, татысен ик луэ колхозлэн бере кылемез, та колхозын котькычэ уж'ёс ляб мыно. Таос уг лыдзыло газет'ёсты, уг тодо выль ивор'ёсты. Озы ик Петровка, Изошур колхоз'ёс, Бадзымшурской сельсоветысь Малахи, Морозы колхоз'ёс 1-2-3 экземпляр гинэ газет басыто.

Та колхоз'ёслы, куд'ёсыз уг ярато газетэз, пример басытоно котькуд коркалы быдэ газет бастысь колхоз'ёслэсь. Газетэз яратоно, гожконо солы, лыдзылоно, озы тодомы выль ивор'ёсты, та юрттоз котькычэ колхозной производстволысь уж'ёсты азинтонлы.

Баженов, Максимов.

## КЕМА КÖЛЫСЬ

Портяново колхозысь машинаен арась комсомолец Орефков Алек. Прок., ас ужаз халатно ужа, нормаэз уг тырмыт'я, юаськод ке малы нормаэз уд тырмыт'яськы, со туж сээз карыськыса пумитад черетскоз.—„Мын азьвыл машинаэз учкы, но собере соин ара“ Орефков эш медэ вераны, что мынам машинае урод шуса. Нош со умойтэм луоз, машинаез туж зеч, а нормаэз тырмыт'ямтэлэн мугез луэ со бордын, что Орефков эш туж кема көлэ... 27 августэ чулна 8 часэ гинэ султэм, 9 часэ вал'ёссэ утчаны мын'ыз, а вал'ёс пöсен вужере карыськыллям, озы вал'ёссэ 2 часозь утчаз. Тйяны малы Орефков нормаэз уг тырмыт'я. Комсомолецлы озы ужаны уг яра.

Нош ик машинаен арась Адаев Ив. Ал. нормаэз нуналлы быдэ мултэсэн быдэсья. Талэн арамеэз но умой. Орефков но тазы ик ужасал ке, али Портяново колхозын ю октон-калтон ой ни луысал. Малпано луоз, что Орефков эш умойтэм уж'ёссэ тупатоз шуса

Адаев.

Редакторез воштысь Н. Баженов.